



Na osnovu Zaključka Vlade Zeničko - dobojskog kantona o usvajanju Uputstva o postupcima i kriterijima za odobravanje i dodjelu (refundiranje) sredstava poticaja namjenjenih subvencioniranju povećanja iskorištavanja kapaciteta u ugostiteljskim objektima skupine "Hoteli" i podsticanju turizma u seoskim domaćinstvima, broj: 02-02-14496/15 od 10.07.2015. godine, Zaključaka Vlade Zeničko - dobojskog kantona o usvajanju Programa utroška budžetskih sredstava u 2015. godini, broj:02-14-12700/15 od 04.06.2015. godine i broj: 02-14-16226/15 od 27.08.2015. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu raspisuje:

JAVNI POZIV
za prikupljanje zahtjeva za odobravanje i dodjelu sredstava poticaja
namjenjenih subvencioniranju
povećanja iskorištavanja kapaciteta u ugostiteljskim objektima skupine "Hoteli"
i podsticanju turizma u seoskim domaćinstvima

1. Pozivaju se turističke agencije i ugostiteljski objekti skupine "hoteli", registrovani za obavljanje djelatnosti smještaja i pružanja ugostiteljskih usluga turističkim grupama, u kategorisanim objektima, na području Zeničko - dobojskog kantona, da podnesu zahtjev za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "Hoteli". Skupinu "Hoteli" čine sljedeće vrste ugostiteljskih objekata: hotel, hotelsko naselje, aparthotel, apartmansko naselje, pension i motel.
Vlada Kantona će organizatorima (ugostiteljskim objektima skupine "hoteli" i turističkim agencijama) subvencionirati dio troškova za smještaj i boravak turističkih grupa u hotelima i motelima na području Zeničko - dobojskog kantona, nakon 01.01.2014. godine.
Osnovica za izračunavanje visine poticaja je ukupan trošak boravka turističke grupe, a što se dokazuje dokumentacijom o uredno plaćenju i prijavljenoj usluzi smještaja i boravka turističke grupe.
Visina poticaja je 10% ukupnog iznosa troška boravka turističke grupe po cijeni utvrđenoj u ovoj tački.
U slučaju zajedničkog angažmana, 50% poticaja pripada turističkoj agenciji, a 50% ugostiteljskom objektu koji je pružio usluge smještaja, boravka i ishrane.
Ukupna visina poticaja po jednom objektu ne može biti veća od 20.000,00 KM, godišnje.
Pod turističkom grupom, u duhu ovog poticaja podrazumjeva se grupa od 5 i više lica koja organizirano koristi potpunu uslugu u ugostiteljskom objektu skupine "hoteli".
Pod smještajem i boravkom turističke grupe, u duhu ovog poticaja, podrazumjeva se najmanje dvodnevni smještaj i boravak (dva puna pansiona ili dva polupansiona) u jednom objektu, te uredno evidentiran nakon 01.01.2014. godine.
Pod punim pansionom podrazumijeva se noćenje sa doručkom, ručkom i večerom, a pod polupansionom noćenje sa doručkom i ručkom ili večerom.
Cijena punog pansiona, u duhu ovog poticaja, a koja se subvencionira, je 80 KM.
Cijena polupansiona, u duhu ovog poticaja, a koja se subvencionira, je 60 KM.
2. Pozivaju se fizička lica iz Zeničko - dobojskog kantona, registrovana za obavljanje ugostiteljske djelatnosti na području Zeničko-dobojskog kantona u svim vrstama objekata u seljačkom domaćinstvu, kao što su vinotočja / kušaonice, izletišta, sobe, apartmani i kampovi, da podnesu zahtjev za odobravanje i dodjelu sredstava poticaja namijenjenih podsticanju turizma u seoskim domaćinstvima.
Pravo na korištenje ovog poticaja, koji se dodjeljuje jednokratno u iznosu od 5.000,00 KM, imaju fizička lica koja su registrovani za obavljanje ugostiteljske djelatnosti i čiji objekat ispunjava minimalne uslove propisane za ugostiteljske objekte koji se ne kategoriziraju, odnosno posjeduje rješenje nadležnog organa da objekat ispunjava propisane minimalne uslove za određenu kategoriju u seoskom domaćinstvu.
3. Jedan privredni subjekt ne može biti korisnik više od jednog poticaja u tekućoj budžetskoj godini.
4. Korisnik poticaja može koristiti poticaj samo u jednom Ministarstvu u Zeničko-dobojskom kantonu.
5. Uz Zahtjev za dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "Hoteli" potrebno je dostaviti original ili ovjerenu kopiju:
 - Odobrenja za obavljanje djelatnosti za fizička lica ili izvod iz sudskog registra za pravna lica,
 - Odobrenja za upotrebu objekta izdatog od nadležnog organa,
 - Rješenja o kategorizaciji objekta,
 - Dokaza o uredno prijavljenom boravku turističke grupe, odnosno dokaz o uredno izmirenim troškovima boravka turističke grupe,

- Uvjerenja o uredno izmirenim indirektnim porezima, ne starije od 60 dana, računajući od dana podnošenja zahtjeva,
 - Uvjerenja o uredno izmirenim javnim prihodima, ne starije od 60 dana, računajući od dana podnošenja zahtjeva,
 - Original ili ovjerenu kopiju uvjerenja o uredno izmirenim financijskim obavezama prema Budžetu Zeničko-dobojskog kantona;
 - Uvjerenje Komercijalne banke da je žiro račun aktivan, ne starije od 60 dana u odnosu na dan podnošenja zahtjeva;
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
6. Uz Zahtjev za dodjelu sredstava poticaja namijenjenih podsticanju turizma u seoskim domaćinstvima potrebno je dostaviti original ili ovjerenu kopiju:
- Odobrenja za obavljanje ugostiteljske djelatnosti za fizička lica,
 - Odobrenja za upotrebu objekta izdatog od nadležnog organa,
 - Rješenja o kategorizaciji objekta i/ili Rješenje o ispunjavanju minimalnih uslova,
 - Uvjerenja o uredno izmirenim javnim prihodima, ne starije od 60 dana, računajući od dana podnošenja zahtjeva,
 - Uvjerenje Komercijalne banke da je žiro račun aktivan, ne starije od 60 dana u odnosu na dan podnošenja zahtjeva;
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
7. Po uredno prispjelom Zahtjevu, ocjenu i mišljenje dat će Komisija Ministarstva za privredu.
U slučaju da Komisija ocjeni da nisu ispunjeni svi uslovi za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "Hoteli" i podsticanju turizma u seoskim domaćinstvima, Ministarstvo za privredu, kod neispunjenja uvjeta i kriterija, donosi Obavijest, koju prosljeđuje podnosiocu zahtjeva.
8. Na osnovu Izvještaja i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticaja. Pojedinačne odluke Vlada donosi shodno raspoloživim sredstvima za tekuću godinu.
Ukoliko se prije isteka budžetske godine utvrdi da raspoloživa budžetska sredstva nisu dovoljna, dio zahtjeva se može prenijeti u narednu godinu i u tom slučaju rješava se u skladu sa mogućnostima i kriterijima koji budu usvojeni za tu godinu.
9. Na osnovu Odluke o odobravanju sredstava poticaja i uredno podnesenog zahtjeva, Ministarstvo za privredu će Ministarstvu finansija podnijeti Nalog za isplatu poticaja.
10. Zahtjeve za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "Hoteli" i podsticanju turizma u seoskim domaćinstvima, sa priložima, treba dostavljati na adresu:

ZENIČKO - DOBOJSKI KANTON
Ministarstvo za privredu
KOMISIJA ZA OCJENU ZAHTJEVA
ZA ODOBRAVANJE I DODJELU POTICAJA SUBVENCIONIRANJA POVEĆANJA ISKORIŠTENOSTI
KAPACITETE UGOSTITELJSKIH OBJEKATA SKUPINE "HOTELI"
I PODSTICANJU TURIZMA U SEOSKIM DOMAĆINSTVIMA
Kučukovići br. 2.
72 000 Zenica

11. Javni poziv ostaje otvoren 60 dana od dana objavljivanja u "Našoj riječi", odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.11.2015.godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: min.privreda@zdk.ba, te na web stranici: www.zdk.ba.